

大清詔令

大清詔令卷之八目錄

廢斥東宮詔

復立東宮詔

再廢東宮詔

六旬聖壽恩詔

皇太后遺詔

上孝惠章皇后尊諡升祔詔

聖祖仁皇帝遺詔

廢斥東宮詔

奉

天承運

皇帝詔曰朕承

天眷命

祖宗弘圖四十八年於茲宵旰孳孳不敢遐逸所敬  
惟

天所重惟民每念天生民而立之君無非欲其愛養  
黎民俾無失所故於四方閭閻情形用咨博訪  
纖悉周道凡有可以厚民生損民極困民者不惜數

千萬帑藏以博施濟累歲減免獄獄所全活者不下數千百人良以君道在于愛民此帝王之

常經

祖宗之家法亦用以垂示後人使知所則倣也胤初自立為皇太子時勤諭教並簡名望大臣為之講明性理歷有年所顧秉性乖戾固體朕心違背朕訓雖愆咎日積尚冀其悔悟自新屢次南巡江浙西巡秦晉及皆命胤初隨行原望其諳習地方風俗民間疾苦乃輒強勒督撫大吏及所在官司索取財賄所用宵小匪類尤恣意誅

求肆行敎效。夫地方物力皆屬小民脂膏。朕屢  
諭胤初宜加節儉。爾乃窮奢縱慾。逞惡不悛。既  
已苛索外吏。復奪取外藩入貢馬匹等物私用。  
內外庫帑為數甚多。流毒日民。安所底極。邇來  
暴虐恣淫。過彌端著。自諸王以及大臣官員。悉  
被非理凌虐。橫加捶撻。徒向因索額圖常奉交通  
設謀。朕洞覺其情。置索額圖於死。而胤初時蓄  
怨于心。近復有過近慢城。裂縫窺伺。中懷叵測  
之狀。凡此舉動。類為鬼物所憑。狂易成疾。書曰  
天視自我民視。天聽自我民聽。人心所惡。天必

厭之

宗社事重、何以承祧、朕圖維再三、萬不獲已、於康熙  
四十七年九月十八日、奉

皇太后慈命、告祭

天地

太廟

祖宗、特行廢斥拘禁、所以仰安

宗祏、俯慰臣民也、茲歷指廢斥之由、宣示中外、又因

胤初貪暴縱恣、被累者多、深切軫念、爰敷寬恤  
之深仁、並布普施之德意、用弘懷保、玉被寰區、

所有事宜開載於後

一國家設立之官、以為朝廷耳目、原欲其守正無私、不畏強禦、使奸宄不致容隱、下情不壅、上聞、斯稱厥職、三十六年曾有諭旨、自皇太子諸王及內外大小官員、所為貪虐不法、比附黨援、必大破情面、指寔指泰、即朕躬有失、亦宜進言、決不加責、乃近來撓拾細故、大事曾無摘發、嗣後應精白一心、直抒忠悃、凡關係國家休戚、民生利病、務期悉意盡言、勿得顧畏、瞻徇、以辜言責、

一這次行在地方大臣官員兵丁及四省兵丁皆以翼主上宣力扈衛天竭忠勤伊等姓名悉經登記應加優賚以昭朕眷念勞勩之意

一凡與胤初黨援交結暗于兩間潛行構陷及與索額圖常泰等通同勾黨之人現經提拏外其畏威附合無黨謀顯迹者一概寬免不究

一胤初屬下人員有倚勢強霸拏民人口房產者著通行察明一概給還



一內外大小文武官員畏懼胤初給與財賄及  
旗下人役挾詐誣騙財物者念係強取畏威  
給與之人以概免究

一胤初私動庫銀數十萬修造工程著落金寶  
等賠償還庫俱著察明豁免

一在內商人因借帑未完現在拏禁若其中有  
胤初勒買物價銀一萬六千三百餘兩著察  
明開除將拏禁之人釋放若償抵未能足數  
仍另行追取又商人銀兩私借於人因取償  
未獲控部拏獲者甚多亦著通行釋放各照

原立文約從容追取

一江南浙江二省今歲俱有被災州縣應酌留清糧為平糶散賑之用每歲應截留若干石該部確議具奏又浙省餘杭等州縣秋月狂風暴雨致民間屋廬傾圮生齒化離江舡漂損人口淹沒田禾悉被災傷殊可憫惻著該撫行地方官察明人戶數目應作何賑卹速議具奏

一地方設官置吏專為愛養民生若因詞訟繁多致良民被陷則其害與貪酷等各省督撫

以下、及有司官員、有妄聽奸人捏詞誣告、貽累善良者、事覺定從重治罪。

一督撫題補官員、受事之後、有更變前操、貪縱虐民者、該督撫體訪得實、即行奏、勿以曾經保舉、曲意徇徇、如故行隱庇、別經發覺、將該督撫一併從重治罪。

一督撫係封疆大吏、地方利弊、聞見必真、凡關係恤兵利民、籌餉節用事宜、如有確見、著據實條奏、果屬可行、著有成效、即從優擢用。一兵丁養生、專賴糧餉、各省兵餉、多不實給、以

致兵不精。銳應嚴飭。各省督撫提鎮不時稽察營兵。禁革私獎。如有仍前虛冒扣剋不實支給者。定從重治罪。

一地方災傷。已經勘查蠲免賦役者。有司不實心奉行。仍事濫派。及但免有力之家。致窮民不沾實惠者。事發決不寬貸。

一各地有豪紳劣紳。衙胥積黨。或私脫本身田地差徭。或包攬他人田地徭丁。代為規避。偏累窮民。為害莫甚。該督撫行各地方官。秉公嚴察。如有此等情弊。重加懲處。

一聞浙江湖州府屬地方米穀失收民多逃散  
著遣賢能司官作速賑濟毋致失所

一山東河南二省田禾雖有收穫而山東州縣  
間被微旱河南所產之米顆粒較小此二省  
米穀應留為本地方之用所有應起運漕糧  
著折銀解部每省應改折若干石作何定價  
該部作速確議具奏

一凡被災地方該管官應照例動支倉糧實心  
散賑毋致失所

一今年內外秋審情真人犯除已完結省分外

其未經具題各案情真者俱傳處決緩決者減等矜疑俱照例發落

一濫用非刑久經嚴禁大小衙門有因小事輒用夾審並違例妄動非刑者該督撫察叅具奏從重治罪

一八旂効力行間年老辭職官員已得半俸外如有勞績茂著多得功牌未給半俸者及年尚未老傷廢辭職官員內有多著勞績應得半俸者該都統詳察保送著該部題請

一滿洲兵丁原係披甲効力行間有帶傷殘廢

開住及疾病年老開住者着察加恩賜

一康熙四十八年會試中式進士准加額至三百名五十年鄉試中式舉人大省加十名中省加七名小省加三名

一各省正貢作恩貢次貢作歲貢

一地方有才品優長山林隱逸之士着該督撫核寔具奏酌與錄用

一除革職降級休致回籍人員外地方人才果有才行著聞及學問優長者該撫核實具奏一罰贖積數原以脩賑冬月嚴寒恐鰥寡孤獨

卷八  
貧民無以為生，著直省各督撫令有司務將積穀酌量賑濟，毋令奸民假冒支領。

一天下驛遞苦累，凡乘傳員役橫行騷擾者，該督撫立行叅奏，如有容隱，一并治罪。

一各處盜賊或為飢寒所累，或為貧官所迫，實有可憫，如能改過就撫者，准赦其罪。

一各處閩差如有將不應納稅之物額外橫徵差役四出分踞津隘擾害商民者，該督撫嚴察題叅，事情發覺，一并從重治罪。

一各處養濟院所有鰥寡孤獨及殘疾無告之



人并一切顛連道路流離失所者有司留心體察以時養贍務俾實有濟益

一雜派預歛久已禁革如有地方官沿習陋弊名去寔存者該督撫嚴加察叅若因循察叅曲為庇護若別經糾劾或因事發覺將該督撫一并從重治罪

一逃入事情概准赦免

一凡流徙人犯在流徙處身死其妻子有願攜骸骨回籍者該地方官報明該部准其各回原籍

於戲澄清國本謹萬年久遠之圖誕沛恩膏渙  
九重博大之詔布告天下咸使聞知

康熙四十七年九月 二十四

復立東宮詔

奉

天承運

皇帝詔曰朕惟建立儲嗣承奉宗祧國本攸關元  
良曰託信能飭躬蒸德敦學勤修皇太子胤初  
久踐青宮夙標譽望克殫誠孝篤守恪恭不意  
忽見迷惑狂易之疾朕深惟

祖宗鴻業及萬邦民生所繫至重不得已而有退廢  
之事嗣後漸次體訪當國家有此大事性生奸  
惡之徒各庇邪黨偕端搆毀朕覺其日後必成

亂階遂窮極始末究其情實因而確得病源悉  
由鎮壓所致亟加除治盡滌前痼累月以來朕  
因諸事情籌精神耗損朝夕侍朕左右憂形于  
色藥餌必親寢膳必視惟誠惟敬歷久不渝令  
德並昭丕基克荷此誠仰賴

上天垂庥

列祖篤祐以默相我國家子有永者也茲特祭告

天地

宗廟

社稷載行典禮於康熙四十八年三月初十日授以

冊寶復立為皇太子正位東宮用洽四海之心茂行萬年之膺服幸成慶典宜沛洪恩所有事宜開列於後

一五嶽四瀆長白山等祀應遣官致祭著察例舉行

一歷代帝王陵寢先師孔子闕里應遣官致祭著察例舉行

一歷代帝王陵寢有毀壞者該督撫察明具奏修葺

一小民生養係乎官吏公清獎勵廉潔正己拯

卹百姓嗣後各部院及總督巡撫應不時將  
所屬官員有操守廉潔衆所共知者據寔舉  
出奏聞朕必加試用如所行果寔則所薦之  
人亦加優叙但不得妄將全無寔行及所知  
不確人員輕率具奏

一今海宇承平各省兵丁無有効力之處惟西  
寧肅州總兵所轄營兵馬匹及奉差大臣章  
京筆帖式撥什庫偵探迤西則望阿拉布坦  
一帶地方往來乘用絡繹不絕在官兵欲報  
朕平日愛養之恩雖絕無怨言而朕心深切

軫念或應加恩兵丁或將需用之物另行措  
辦俾窮兵受益該地方總督巡撫提督總兵  
官會同速議具奏

一沿海官兵定期出洋搜緝盜賊苦勞頻仍其  
出洋船隻暨官兵數目並巡哨幾次有擒獲  
盜賊及身被損傷者按次明晰具奏此內或  
因議叙或應加恤朕酌發諭旨

一督撫為封疆大吏地方利弊聞見必真凡關  
籌餉節用及一切裨益兵民事宜如有確見  
著據實條奏果有可行著有成效即從優擢

用、

一地方災傷、已經察勘、蠲免賦役者、有司不遵、仍行濫派于民、及但免有力之家、致窮民不沾實惠者、事發決不饒恕

一天下驛遞苦累、凡乘傳員役、騷擾驛遞者、着該督撫立行叅奏、如有容隱、一併治罪

一軍民年七十以上者、許一丁侍養、免其雜派差徭、八十以上者、給與絹一尺、綿一觔、米一石、肉十觔、九十以上者、倍之、至百歲者、題明給與建坊銀兩、



一孝子順孫、義夫節婦、該地方官核實具奏、題請旌表、

一地方有才品優長、山林隱逸之士、着該省督撫核實具奏、酌與錄用、

一凡官吏兵民人等、有犯除謀反叛逆、子孫殺祖父母、父母、內亂、妻妾殺夫、告夫、奴婢殺家長、殺一家非死罪三人、採生、折割人、謀殺故殺、盛毒、魔魅、毒藥殺人、強盜、妖言、十惡等真、正死罪、不赦外、及修造宮殿陵寢工程不固、冒破錢糧、修造戰船、軍器、等項、不堪用、糜費

錢糧軍機獲罪貪官衙役犯贓監守自盜冒  
借官庫銀兩拖欠錢糧漕糧侵盜漕糧騷擾  
驛遞奸細光棍誣告叛逆放火因姦致死人  
命干係私刑人參罪犯亦在不赦別項死罪  
俱減一等此內有鬪毆殺人者仍照例追銀  
四十兩給付死者之家其餘自康熙四十八  
年三月十一日昧爽以前已發覺未發覺已  
結正未結正咸赦除之

一各處盜賊或為飢寒所累或為貪官所迫實  
有可憫如能改過就撫者准赦其罪

一河道漕糧關係甚大所關河漕一應情罪俱  
不赦免

一凡有叛逆殺死人強盜牽連對質候審監禁  
人犯在犯年久恐無辜致死該部院直省督  
撫雖審如無憑質對情可矜疑者即行奏請  
釋放

於戲春陽布陽協氣溢于宮闈海潤流膏恩波  
遍于寰宇布告中外咸使聞知

康熙四十八年三月 十一

再廢東宮詔

奉

天承運

皇帝詔曰朕膺統緒五十餘年宵旰孳孳不敢暇  
逸惟以不克仰咏

上天之眷佑丕顯

祖考之鴻庥為懼在位彌久惕勵彌深此內外臣工  
海隅黎庶之所共諒也願維

累朝創造大業之艱主器承祧所繫綦重如朕憂勞  
無間晷刻猶且若涉淵冰慮罔攸濟胤初向以

狂惑成疾雖獲丕基已於康熙四十七年九月  
十八日特行廢黜嗣乃重念父子之恩冀其悔  
心易行胤初亦當衆矢誓痛改前愆因釋其禁  
羈後行冊立誰意年來狂疾益增罪尤日積昏  
暴僭越罔有悛心朕念

天地

祖宗付託之重四海人民屬望之殷如胤初者既不  
率誨而忝青宮何以篤祐而對天下仍行廢黜  
加以禁錮既以諏日祭告

天地

太廟

社稷是用特申廢黜之由、宣示中外、書不云予一人  
元良、萬邦以貞、澄清國本、真德年垂裕之圖式  
渙綸音、愜之百姓、具瞻之願、布告天下、咸使聞  
知、

康熙五十一年十月

二十八

日

六句

聖壽思詔

奉

天承運

皇帝詔曰朕五十餘年上畏下懼以敬以誠殫思

上理且一心對越

上帝未嘗瞬息稍懈賴

昊穹之孚祐

祖宗之隆庇邇來國家蓄積有餘民間年豐穀順豐朕

以涼德勉惟

列聖體天順公道慮患撫心敦景運於休期洪基業於

光顯夙夜冰兢宵旰靡遑屈指春秋年屆六旬  
矣、覽自秦漢以下稱帝者一百九十有三享祚  
綿長無如朕之久者朕之虛薄良深歎仄何敢  
少有倦怠有負孜孜圖治之初心况在位久者  
始勤終怠往往不能令名於後所以乾惕之懷  
彌殷與深與危與之念愈切兼之冰平歲久幅員日廣  
戶口漸增風俗益薄朕與臣隣夙夜在茲以剛  
健中正惇大成裕謙尊有終持盈保泰猶恐未  
能豈自滿假少有逸豫朕以天下為心天下當



亦體朕之衷。各天蓋誠。皆得孝敬。型仁講讓。守已奉公。務勤職業。官僚胥勸。人士奮興。使遐邇之均被。小大之咸周。以享昇平之福。此非朕之德乃。

天地

祖宗之賜。今朕式慰中外臣民之情。博考典禮。大沛膏澤。用稱朕躋世於仁壽之至意。所有應行事。宜開列于後。

一五嶽四瀆等祀。遣官致祭。著照舊例舉行。  
一歷代帝王陵寢。先師孔子闕里。應遣官致祭。

著察例舉行

一凡嶽鎮海濱廟宇有傾頽者該地方官估計價值具奏修葺以昭誠敬

一歷代帝王陵寢有毀壞者該督撫察明具奏修葺

一

陵寢官員兵丁執事人等俱加恩賜

一自王以下宗室覺羅十五歲以上者俱加恩賜

一內外大小各官除各以現在品級已得封贈

外凡陞級及改任者着照新銜封贈

一在京漢滿文官四品以上在外三品以上武官在京在外二品以上各送一子入監讀書

一在京滿漢文官五品以上下在外文官四品以下在京武官三品以下在外武官亦三品以下俱各加一級

一內外文武官員除大軍計政處分外現在議草議降議罰戴罪住俸等項各該衙門悉與奏明寬宥

一凡文武官員現在勅督撫提問究擬者盡與

釋放

一內外降級罰俸等官俱着開復調用者仍照原議調用

一先年出征人內有功牌應得官時除低軍罪外其守雲南城及在隴州控告不准敘用人等所存無幾今青<sub>已</sub>年老邁不敢効力茲遇覃恩着兵部查驗仍行補放

一昔年存亡之秋在在用兵朕所親歷今雖承平而武備不可不謹故時加訓練八旗兵丁盡已精銳茲特大沛恩賜設軍校前軍及後

軍各賞給一年錢糧、撥什庫披甲人各賞半年錢糧、外省駐防之兵亦照此例、

一年尚未老傷廢、辭職官貧及傷廢退甲兵丁、着給錢糧米石、

一滿洲典兵丁、原係披甲効行間、因疾病年老、閑住者、着察加恩賜、

一各直省綠旗兵丁、俱應加賞賚者、着議奏、

一海宇承平已久、戶口日繁、地畝並未加廣、宜施寬大之恩、並享恬熙之樂、嗣後直隸及各省地方官、遇編審之期、察加增益人丁、止將

寔數另造清冊奏聞其徵收錢糧但據康熙五十年丁冊定為常額續生人丁永不加賦仍不許有司於造冊之時藉端需索用副朕休養生息之意

一天下地丁錢糧既沛恩澤于三年內悉與豁免其自京城及各省房地租稅多係貧民賃僦官地棲身營業宜併蠲恤以覃恩惠著察明京城內并各省每年地租額數于康熙五十三年豁免一年其歷年逋欠若干一并察明免其追補

一八旂滿洲蒙古漢軍兵丁及內查薩克喀爾喀等蒙古年七十八十九十以上者分別賞賚至百歲者題明給興建坊銀兩

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之至百歲者題明給興建坊銀兩

一督撫係封疆大吏地方利弊聞見必真凡關係籌餉節用裨益兵民事宜如有確見著據實條奏果屬可行著有成效即從優擢用

一督撫題補各官原從地方需才起見或受任  
之後有行事乖張貪縱虐民者該督撫不時  
體據察實奏勿得以曾經保舉難顧偏徇如  
故為隱庇別經發覺將該督撫一併從重治  
罪

一地方大小官員當以仁慈為本妄聽奸民捏  
詞誣告以致陷害良民其害更甚於貪如各  
省督撫以下及有司官員有濫受詞狀貽累  
善良者事覺定從重治罪

一各處閩差將有將不應納稅之物額外橫徵



差役四出分踞津臨擾害商民者該督撫據  
實題奏若不行題奏事情發覺一併從重治  
罪

一雜派項款永行禁革以安民生該督撫嚴察  
禁革如有仍前濫徵者或經奏奏或被發覺  
定行從重治罪

一濫用重刑舊有嚴禁有司官負有因小事輒  
行夾訊並違例用非刑者該督撫即行奏奏  
具奏從重治罪

一恤兵原以為民兵丁專賴糧餉養生天下兵

餉皆不實給以致兵不精銳且致失所應嚴  
行申飭着各督提鎮不時稽查禁革如有仍  
仍前虛冒扣剋不寔行支給者定行從重治  
罪

一國子監監生免坐監一個月

一各省儒學以正貢作恩貢次貢作歲貢

一地方有山林隱逸懷才抱德之士着該督撫

核實具奏酌與錄用

一滿漢孝子順孫義夫節婦該管官細加訪訪

確具事實奏聞禮部核實以憑旌表

一除革職降級休致回籍外地方人才果有品行著聞及學問優長者著該督撫核實舉具奏

一罰贖積穀原以脩賑冬月嚴寒恐鰥寡孤獨貧民無以為生著直隸各省督撫責令有司官將積穀酌量賑濟毋令奸民假冒支領一各處養濟院所有鰥寡孤獨及殘疾無告之人有心留心以時養贍毋致失所

一天下驛遞苦累凡乘傳員役擾騷驛遞者著該督撫立行參奏如有容隱一併治罪

一各省會設兵處所有等奸民假充兵丁混入  
營內夥告夥証拖累小民甚有借通賊為名  
抄掠發賣尤為大害該將軍督提鎮嚴行約  
束務絕弊端如有徇隱不完一體定行從重  
治罪

一各地方有豪紳劣衿衙胥積蠹或充本身田  
地差徭或包攬他人田地徭丁代為規避偏  
累窮民莫此為甚該督撫行各地方官秉公  
嚴察如有此等情弊重加懲處

一官役犯贓罪應至死與不至死者俱免罪仍

草職革役追贓永不叙用

一凡有叛逆殺人強盜等罪牽連對質候審監禁人犯在獄年久恐無辜致死該部院直省督撫確審如無兇質對情可矜疑者即行奏請釋放

一凡應追贓私察果家產盡絕力不能究者察與豁免毋得株連親族

一凡強盜雖同夥殺人本人未經下手者自行投首准予免罪

一各處盜賊或為飢寒所累或為貪官所迫是

有可憫如能改過就撫者准赦其罪

一除謀殺故殺外如原無仇隙偶因一時忿激相毆傷重致死者將兇犯免死杖一百照例追銀四十兩給付死之家屬

一凡官吏兵民人等有犯除謀反叛逆子孫殺祖父母父母內亂妻妾殺夫告夫奴婢殺家長致一家非死罪三人採生折割人謀殺故殺、殺、毒、覺、魅、毒、藥殺人強盜妖言十惡等真正死罪不赦外及修造宮殿陵寢工程不固冒破錢糧製造戰船軍器等項不堪用靡費

錢糧軍機獲罪、貪官衙役犯贓、監守自盜、冒  
借官庫銀兩、侵盜漕糧、科場罪案、關係河道  
漕運、一應情罪、俱不准赦、騷擾驛遞、奸細光  
棍、誣告叛逆、放火、因姦致死人命、罪犯、亦在  
不赦、別項死罪、俱減一等、內有開邀赦人者、  
仍照例追銀四十兩、給付死者之家、其餘自  
康熙五十二年三月十八日昧爽以前、已發  
覺、未發覺、已結正、未結正、咸赦除之、有以赦  
前事告、奸者、以其罪罪之、

於戲、錫民以福、為皇極得壽之徵、御衆以寬、乃

萬國咸寧之本布告天下咸使聞知

康熙五十二年三月

十八

日



皇太后遺詔

仁憲恪順誠惠純淑端禧皇太后誥曰予以藐德幼侍奉

世祖章皇帝贊助內德方期黽勉以紹前人徽音不

幸薄祐祐值

章皇帝仙馭早賓哀痛推斷願以身殉維時

太皇太后春秋高幼今皇帝正在冲齡諸王大臣合

詞聖監請謂宜勉自捐哀上慰

太皇太后之心次為皇帝聖躬調護遂以義抑情苟

延歲月皇帝內秉誠孝外勤政務雖當削平逆亂

之際羽檄交馳而視膳問安之節始終無間暨  
乎天下大定四海一家民物豐樂予甚慰焉或  
聖帝巡幸幾旬猶恐久曠晨昏必以安車敦請  
散日游懷帳殿行宮溫清彌篤予優游而受孝  
養者五十餘年歷稽史冊未有福壽全備如斯  
者今年七十有七適當寢疾皇帝寢食俱損哀  
誠祈禱顧惟大期將盡遂及彌留環顧海宇雍  
熙既無遺恨而得上從

世祖章皇帝于天庭素心亦愜矣皇帝當念大孝尊  
親既極隆至哀毀過度反傷冥冥之心勉強自

愛以

宗社人民為重中外文武羣臣宜恪共厥職以贊休  
明至喪制悉遵典禮成服後三日皇帝即行聽  
政其將服依

世祖章皇帝遺詔以日易月二十七日而除

天地

宗廟大祭及

社稷百神群祀俱照常行禮不可以藐躬稽廢故茲誥

諭其各遵行

康熙五十六年十二月

初六

上

孝惠章皇后尊謚升祔詔

奉

天承運

皇帝詔曰朕惟善必歸親戚稱允合乎盛德禮先  
報本孝思尤切于明禋脩隆廟享之儀晉洽海  
隅之慶舊章伊在鉅典為昭欽惟

皇妣皇太后

正位坤儀

作配乾極光贊我

皇考世祖章皇帝外啟

皇圖之式廓內彰靈教之懋修性秉懋誠奉

文母于壽考維祺之日思隆聖善翼<sup>茂</sup>施躬於寢區永

謚之時止<sup>諡</sup>考止慈化章九有克宮克<sup>寬</sup>儉慶衍六

宮緬維六十餘載之深仁宜崇億萬斯年之

鴻號博諮輿論虔考隆儀祇告

天地

宗廟

社稷于康熙五十七年十二月十二日率諸王貝勒

文武群臣恭奉冊寶上

尊謚曰

孝惠仁憲端懿純德順天翼聖章皇后十二月十六

日升祔

太廟既表尊親之大誼當施逮下之洪仁所有事宜  
開列於後

一古來地方變亂多事小民不得安業皆因下  
情不能上達之故即如河南亮犯亢珽等搜  
害地方湖廣奸究捏造妖言煽惑剽擄江南  
起蛟陝西地震等事朕得聞知即遣大臣審  
理完結賑救倘朕不預聞何由而知且直隸

各省兵丁空糧甚多。養兵原以脩用。設平時  
虛兵冒餉。不行訓練。臨時欲用。縱募兵累萬。  
亦屬無濟。此皆武官不職所致。至各省文官。  
私派加耗。尤足大害民生。似此有閑地方事  
務。及文武官員賢否之處。爾堵臣何嘗不知。  
鄰省大吏亦未嘗不知。皆因彼此有所掣肘。  
互相隱瞞。不肯奏聞。如此何以防微杜漸。嗣  
後衆大臣九卿科道官員。凡有閑地方事務。  
及文武官員賢否。隨聞隨即繕摺密奏。若所  
聞未確。即稱臣所聞未確。一併聲明。如此則

地方官員皆知畏懼改過而於民生大有裨益矣朕為此前以屢有諭旨嗣後如有所聞假為不知隱瞞不肯奏聞者臣若查出必從重治罪斷不寬恕

一雜派項款應永行禁革以安民生向聞直省有司假借名色橫行濫派數倍正項以致小民苦累其不肖官員以額外私徵糾劾者甚少嗣後着各督撫嚴察禁革以紓民困如有仍前濫徵者或經奏或被發覺定行從重治罪



一地方灾傷已經祭勸蠲免賦役者有司不遵  
仍行濫派及但免有力之家致窮民不沾實  
惠者事發決不饒恕

一凡官吏兵民人等有犯除謀反叛逆子孫殺  
祖父母父母內亂妻妾殺夫告夫奴婢殺家  
長殺一家非死罪三人採生折割人謀殺故  
殺、蠱毒、壓魅、毒藥殺人、強盜、妖言、十惡、弄真  
正死罪、不赦外、其謀反叛逆犯人妻子妾女  
家產應入官、及父母祖孫兄弟應流徙、及修  
造宮殿陵寢、冒破錢糧工程不固、修築河工、

不得堅固、侵冒錢糧、失陷城池、行間獲罪官、  
吏衙後杜法贖、監守自盜、叛逆財產人口、侵  
蝕入已發掘坟墓、奴僕毆打家長、畧賣人口、  
光棍及拖欠錢糧、拖欠漕糧、員役侵盜漕糧、  
員役一應議處、各官亦俱不赦、其餘自康熙  
五十七年十二月十七日昧爽已前已發覺、  
未發覺已結正未結正、咸赦除之、有已赦前  
事事告訐者、以其罪罪之、

一京師及直省監禁緩決、及秋後處決人犯甚  
多、已經緩決、斷不致死、遲至年久、仍然得出

若久行監禁不但患病死亡且獄中人犯亦漸增多甚屬可矜在京併直省緩決人犯將情罪查明分別情罪之重輕議奏其未入秋審之秋後人犯內如果情有可矜亦着減等具奏此等入犯作何分別減等完結之處該部作速查明具奏

一毆打受傷至保辜限外身死者部內奏明緣由兩行請旨其有當時不曾殞命越數日或因傷風而死或因他病而死將毆打之人議抵情屬可矜除執兇器毆有致命重傷或金

及連戮數處者仍照例議抵外如原被毆傷  
輕不致于死後因傷風而死或因他病而死  
者將毆打之人免其抵償照例減等發如有  
毆傷致死而捏報傷風及他病死者將承審  
官及按察司該督撫作何分別嚴加議處之  
處一併議奏

一滿洲兵丁披甲隨征多年效力被傷不能披  
甲及年老有病退閒者俱酌給賞資

一恤兵原以為民兵丁尋賴糧餉養生天下兵  
餉皆不實給以致兵不精銳且致失所應嚴

行中飭着各督撫提鎮不時稽察禁革如有仍前虛冒扣剋不寔行支給者定行從重治罪

一地方有才品優長山林隱逸之士着該督撫核實具奏酌與錄用

一五嶽四瀆等祀應遣官致祭着察例舉行

一國子監監生及教習俱免監期一個月

一各處養濟院所有鰥寡孤獨及殘疾無告之人有司留心以時養贍毋致失所

一官役犯贓罪應至死與不至死者俱免罪仍

革職革後追贖永不叙用

一盜賊多因飢寒失業或為貪官苛虐所迫詣書到日雖係首惡若能率黨投首悉免其罪  
兵收入伍民收入籍務使得所有能擒捕首惡及黨內首告者論功授職給賞如有將投首之人邀執國功者治以重罪

一歷代帝王陵寢先師孔子闕里應遣官致祭  
着察例舉行

一八旗貧苦孤獨無有生業者應察明恩養着該部議奏

於戲

九廟薦馨盡一人之孝享百禮既洽萃萬國之歡心  
澤被敷天思霑率土布告中外咸使聞知

康熙五十七年十二月

十七

日

聖祖仁皇帝遺詔

奉

天承運

皇帝詔曰從來帝王之治天下未嘗不以教

天法

祖為首務教

天法

祖之實在素遠能通休養蒼生共四海之利為利一

天下之心為心保邦於未亂致治於未亂夙夜  
孜孜寤寐不忘為久遠之圖庶乎近之今朕年



局七旬、在位六十一年、實賴

天地

宗社之默佑、非朕涼德之所致也、歷觀史冊、自黃帝

甲子、迄今四千三百五十餘年、共三百一帝、如  
朕在位之久者甚少、朕臨御至二十年時、不敢  
逆料至三十年、三十年時、不敢逆料至四十年、  
今已六十一年矣、尚書洪範所載一曰壽二曰  
富三曰攸康寧四曰攸好德五曰考終命五福  
以考終命列于第五者、誠以其難得者也、今朕  
年已登耆、富有四海、子孫百五十餘人、天下安

樂朕之福亦云厚矣。即或有不虞心亦泰然念  
自御極以來雖不敢自謂能移風移俗家給人  
足上擬三代明聖之主而欲致海宇昇平人民  
樂業孜孜汲汲小心敬慎夙夜不遑未嘗稍懈  
數十年來殫心竭力有如一日此豈僅勞苦二  
字所能該括耶前代帝王或享年不永史論概  
以為酒色所致此皆書生好為譏評雖純全盡  
美之君必挾摘瑕疵朕今為前代帝王剖白言之  
蓋由天下事繁不勝勞憊之所致也諸葛亮云  
鞠躬盡瘁死而後已為人臣者惟諸葛亮能如

此耳。若帝王仔肩甚重，無可旁議。豈臣下所可  
比擬？臣下可仕則仕，可止則止。年老致政而歸，  
抱子弄孫，猶得優游自適。為君者勤劬一生，了  
無休息之日。如舜雖稱無為而治，然身沒於蒼  
梧，禹乘四載，胼手胝足，終於會稽。似此皆勤勞  
政治，巡行周歷，不遑寧處，豈可謂之崇尚無為？  
清靜自持乎？易遯卦六爻，未嘗言及人主之事。  
可見人主原無宴息之地，可以退藏。鞠躬盡瘁，  
誠謂此也。自古得天下之正，莫如我朝。

太祖

太宗初無取天下之心常兵及京城諸大臣咸云當取

太宗皇帝曰明興我國素非和好今欲取之甚易但念中國之主不忍取也後流賊李自成攻破京城崇禎自縊臣民相率來迎乃剪滅閹寇入承大統稽查典禮安奠崇禎昔漢高祖係泗上亭長明太祖一皇覺寺僧項羽起兵攻秦而天下率歸于漢元末陳友諒等蜂起而天下率歸於明我朝承席

先烈應

天順人撫有區宇以此見亂臣賊子無非為真主驅除也凡帝王自有天命應享壽考者不能使之  
不享壽考應享太平者不能使之不享太平朕  
自幼讀書於古今道理粗能通曉又年力盛時  
能彎十五力弓發十三把箭用兵臨戎之事皆  
所優為然平生未嘗妄殺一人平定三藩掃清  
漠北皆出一心運籌戶部帑金非用師賑飢未  
嘗妄費謂皆小民脂膏故也所有巡狩行宮不  
施采繒每處所費不過一二萬金較之河工歲  
費三百餘萬尚不及百分之一昔梁武帝亦創

業英雄。後至<sup>建</sup>臺年為候景所迫。遂有臺城之禍。  
隋文帝亦開創之主。不能預知其子煬帝之患。  
卒致不克。令終皆由辨之不早也。朕之子孫百  
有餘人。朕年已七十。諸王大臣官負軍民。以及  
蒙古人等。無不愛惜。朕年邁之人。今雖以壽終。  
朕亦愉悅至。

太祖皇帝之子禮親王饒餘王<sup>親</sup>之子孫。現今俱各安  
全。朕身後爾等若能協心保全。朕亦欣然安逝。  
雍親王皇四子<sup>世宗</sup>廟<sup>碑</sup>人。品貴重深肖朕躬。必能  
克承大統。著繼朕登基。即皇帝位。即遵典制持

服二十七日釋服布告中外咸使聞知

康熙六十一年十一月

十三

日